

Аще ли Луна генваря настанет в понеделник, то тепло и студено, весна добра, лето ведряно, людем здравие, пчелы помрут. **Зри [8] Изразы) 2212, 1111. //**

л. 64 <sup>а</sup>Иисус Христос в силах своих небесных.<sup>3</sup> В. В.<sup>ю</sup>

Третия планида Аррис, держит вторник и стоит над Югорскою<sup>я</sup> землею и над Чежскою и над Воложскою. Приказ на ревность, на гнев, на гнев,<sup>\*</sup> яко же зело на гнев, на угад, на шкоту на уряд, на враги, на злобость, на убийство. Восходит в четвертом часе и бывает во странах // на земли, от нея потужных же и ослабных звания же и гласы в человецех разны.

Аще ли Рождество Христово во вторник, того году зима велика и силна бывает, весна дождлива, а жатва ведрена, осень добра. Овоща всякаго пооскуду, скоту и женам всяким во странах погуба, недуги разны напрасно, плавающим смерть.

Аще ли генварю луна настанет во вторник, то бывает зима добра, весна бурна зело и дождлива, лето добро, женам мор, вина много. **Зри[8] изразы: 1121, 2212. //**

л. 65 <sup>а</sup>Иисус Христос в силах своих почивает.<sup>б</sup> В. Ч.<sup>в</sup>

Четвертая планита Ермис,<sup>г</sup> держит среду, а стоит над Египтом и над всею Египецкою землею. Указует на мудрость, на учение, на походы, на вышний разум, на лепоту, на лечбу, на светлость. Восходит на своя потужная и ослабная в третьем часе и господствует. Бывает во странах на земли в человецех звания же и гласы мирны.

л. 65 об. Аще ли Рождество Христово в среду, то бывает зима зело люта и немилостива // весна дождлива, жатва добра, Пшеницы пооскуду, а вина много велми. Мужам смерть и женам пагуба.

Аще ли генварю настанет луна в среду же, то зима и весна бывают зело люта, а лето добро, снеди всякия и вина много, велможам смерть, а меду мало, понеже бо в ту зиму повелением божиим планита Ермис на злых зодиях стоит. **Зри изразы: 2112, 2222. //**

л. 66 <sup>а</sup>Иисус Христос да почивает во святых силах своих со всеми нами. Аминь.<sup>е</sup> Т Ч<sup>ж</sup>

Пятая планита — Зевес,<sup>з</sup> держит четверток а стоит над святым градом Иерусалимом и над всею землею Иеросалимскою. Указует на добро, на мир, на радость, на имение, на красоту, на величество, на государский престол, ко обладанию, на пожалование. Восходит на потужная своя и на ослабная в шестом часе и бывает на земли тишина велия от всех злых, в человецех же звания и гласы сладки и упокоение.

л. 66 об. Аще ли Рождество Христово в четверг<sup>н</sup>, то зима зело люта, // весна долга и ведрена, потом дожди велиции, жатва добра, осень легка, меду по оскуду, сильным чадом болезнь.

Аще настанет луна генваря в четверток — зима добра, весна дурна, лето добро и обилие во всем мире. Владеющий насилем от неправды погибнет и повелением божиим мир будет по всей земли.

**Зри изразы: 1222, 2121. //**

л. 67 <sup>а</sup>Иисус Христос бог наш да умножит в нас свой святыи дух в роде человечестем и во святых своих да почит<sup>л</sup>. С. Т.<sup>м</sup>

Шестая планита Афродит, держит пяток, а стоит над всею Индискою<sup>\*</sup> землею, а дом его Юнец. Указует на радость, на милость, на помилование, на милосердие, на умножение плода всего рода человеческого и на овощь. Восходит же на потужная своя и на ослабная силы в девятом часе и господствует. Во странах и на земли в человецех бывают звания и гласы утешительны.

н-э, іх-б Киноварная надпись внутри киноварного круга.  
по сторонам киноварного круга. <sup>я</sup> Испр., в ркп. Юскою.  
д-е, к-л Киноварная надпись внутри киноварного круга.  
по сторонам киноварного круга. <sup>з</sup> Испр., в ркп. Ермис.

ю, в Заглавные буквы  
г Испр., в ркп. Арис.  
ж, м Заглавные буквы  
н Испр., в ркп. среду.